

Peqqinnissaqarfimmik oqartussaaffiup Naalagaaffimmut uterteqqissinnaanera pillugu Naalakkersuisut UKA2021-mut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut. Nalunaarusiami qulaajarneqassapput oqartussaaffiup Naalagaaffimmut utertinneqarnerani qanoq aningaasatigut, sulisoqarnikkut kiffartuussinikkut, nunatsinnut aamma peqqissartunut kinguneqassanersoq.

(Atassutip Inatsisartuni ilaasortaaitai)

Akissuteqaat

(Peqqissutsimut Naalakkersuisoq)

Siullermeerneqarnera

Naalakkersuisut Atassut sinnerlugu Inatsisartunut ilaasortat peqqinnissaqarfimmik oqartussaaffiup Naalagaaffimmut uterteqqissinnaanera pillugu Naalakkersuisut nalunaarusioqqullugit peqquneqarnissaannik Inatsisartut aalajangiiffigisassaattut siunnersuutaannut qutsavigaat.

Peqqinnissaqarfimmik oqartussaaffiup Naalagaaffimmut uterteqqissinnaanera periarfissaava? Apeqqummut akissut tassaavoq, Namminersorneq pillugu inatsimmi pissutsit, suliassaqarfinnut Kalaallit Nunaata Danmarkimit tigusimasaanut tunngasut taamaallaat malittarisassaqartinneqarnerat. Taamaattumik oqartussaaffiit Danmarkimut utertinnissaannut periarfissaq Namminersorneq pillugu inatsimmi ilaanngilaq.

Tamanna kissaatigineqarpat tamanna Danmarkimik isumaqatiginninniutigineqassaaq. Matumani Danmarki oqartussaaffiup tigoqqinnissaanut aamma kajumittariaqassaaq. Naalakkersuisut oqartussaaffiit Danmarkimut uterteqqissinnaanerat pillugu misissuineramik aallaartitsinissamik pilersaaruteqanngillat.

Naalakkersuisut Nunatsinni ukiorpassuarni peqqinnissakkut sullissinermi suliassarpassuarnik naatsorsuutigisanillu isumaginnissinnaasumik, peqqinnissaq pillugu piujuartitsisussamik, ataqatigiissumik ullutsinnullu naleqquttumik pilersaarusiortoqarnissaanik pisariaqartitsisoqartoq isumaqataaffigaat. Suliarlu ingerlavoq.

Inuunerissaavik Steno Diabetes Center Kalaallit Nunaat pillugu Novo Nordisk Fondenimik isumaqatigiissutitta suliniutit ilagaat, sukkortunut inooriaatsimullu suliniutinik ukiorpassuarni pitsanngorsaaqataasussaaq. Naammagittaalliortarnermut taarsiissuteqartarnermullu inatsit 2021-imi ukiakkut saqqummiussassarput naammagittaalliutinik taarsiissuteqartarnermullu sulianik suliarinnittarnermik pitsanngorsaassaaq, napparsimasut peqqinnissaqarfimmilu sulisut akornanni oqaloqatigiittarnerit pitsaanerulersinniarlugit atuisut siunnersuisoqatigiivinik pilersitsissaagut, kræfti pillugu pilersaarut nalilersussavarput, inuunermik navianartorsioartitsisumik nappaatilinnut tungiuineramik suliniutit pitsaanerunissaat qulakkiissavarput il.il.

Aap - sulisunik isumalluutinillu amigaateqarpugut avataaniillu ikiorneqarnissamik isumalluuteqarpallaarunnaassagutta peqqinnissaqarfimmi sulisorisassavut amerlanerujussuit ilinniar-tariaqarput aamma ilinniartitsineq annertunerulersittariaqarparput. Nassuerutigisariaqarparput nunanit allanit peqqinnissakkut sulisorisanik unammillerneq akissarsiatigut aamma ilisimasa-tigut unamminartuusoq. Peqqinnissakkut sullissisut nunatsinnukartarput nunarput kulturere-pullu misigisassarsiorfiginiarlugu amerlasuullu utertuarparput.

Danskiniit aamma nunanit avannarlerniit, nunanit allaneersunik sulisussarsiornermi periarfis-sat politikikkut ukkatarineqartuarparput. Taamaattumik Naalakkersuisut nunanit allanit suli-sussarsiorneq misissorneqarnissaa aallarnisarniarlugu pilersaaruserpaat. Misissuinerup siu-nertarissavaa, Naalakkersuisut peqqinnissaqarfimmi atorfiit aamma suliassat nunanit allanit peqqinnissakkut sulisoqarneq tunngavissaqarluartumik aalajangiiffiginissaat anguniarneqas-saaq, taamaasilluni peqqinnissaqarfimmi nukiit peqqinnissakkut suliassaviit aamma napparsimasunut isumaginninneq pitsaaneq atorneqarsinnaalerniassammata.

Peqqinnissaqarfimmi sulisut suliassaqarpallaarput, tamanna nassuerutigissavarput. Suliassat ukiut arlaqanngitsut siornatigornit amerlanerujussuit sularisarpavut. Napparsimasut amerliar-tuinnarnerat pissutaaginngilaq katsorsartinnissamulli periarfissat amerliartuinnarnerat aamma pissutaavoq. Tamanna Peqqinnissaqarfimmut naatsorsuutit amerlinerannik kingune-qarpoq. Kamattumik pakatsinermillu nipilimmik "nipaallisaatinik taamaallaat tunineqartar-nernik inuullu inuuneranik akeqarneranik" oqaasertalersuisoqakkajuppoq. Peqqinnissaqar-fimmili napparsimasut qanigisaasullunniit pakatsisinniarlugit sulisoqartanngilaq. Nakorsat peqqissaasullu akuerisaallutik sulipput taamaattumillu sulinerminni peqqissaartumik peqqu-sersuittumillu sulinissaminnut pisussaataapput. Taamatut oqaasertalersuisarnerit peqqinnis-saqarfimmi sulisutta tarnikkut atugaannik tamatumalu kingunerisaanik sivilisunerusumik sulisorinissaannut piginnaasatsinnik ajornerulersitsisarput.

Akisussaaffitsinnik allanut isumagisassanngortitsinikkut ajornartorsiutitsinnik aaqqiineq ajor-pugut. Akisussaaffimmik tiguisarnissap ilikkarnissaa inuiaqatigiinnut inunnullu ataasiakkaa-nut pingaarnarpaat ilagaat. Assersuutigalugu peqqinnerusumik inooriaaseqarnissamut akisus-saassuseqarnissaq, aammalu peqqinnissaqarfimmi sulisunik peqqinnissaqarfitsinni sulinissa-minnut kajumitsilersumik pissusilersorfiginerisigut peqqinnissaqarfitsinnut akisussaqa-taanissaq.

Taakkua saniatigut 2019-imi ukiakkut ataatsimiinnermi Inatsisartut peqqinnissaq pillugu ataatsimiititaliarsuarmik peqqinnissaqarfimmi aqqissuussaannerup naleqqussarnissaanut pit-sanngorsaaffiginissanullu, tassunga ilanngullugit Danmarkimik nunanillu allanik suleqateqar-nermut tunngasunik suliaqartussamik pilersitsisoqassasoq aalajangerpaat.

Innersuussutigineqartut peqqinnissaqarfimmi aqqissuusseqqinnissamut Inatsisartut politikik-kut tunngavissaannut atorneqassapput, taakkulu siunissami peqqinnissaqarfimmi sullis-sinernut tunngaviliinissanut qulakkeerinnissapput.

Taamaattumik Naalakkersuisut siunnersuuteqartup siunnersuutigisaatut nalunaarusiornissa-mut isumalluutinik atuinissaq naapertuussorinngilaat siunnersuutillu itigartitsissutigine-qarnissaa inassutigalugu.